


L E N N O X.

E X C A M B D E N O.



Lelanonius.

Logh Lomund.

Pollac piscis.

Lib. 8. Epist. 20.

Kilmoronoc.

Alcluyd.

Dunbritton. Britanno-dunum.

AD alteram *Cluida* ripam, supra *Glasgow*, *Lennoxia*, sive *Levinia* in Septentriones longius procurrit inter montium conglomerationes; nomen sortita à *Levino* flumine, quod *Ptolemæo* *LELANONIVS*, in *Cluidam* influit è *Lacu Lomundo*, qui sub montibus hîc se explicat, in longitudine xx mill. pass. & viii in latitudine, admodum piscosus, sed maxime peculiari sibi pisce (*Pollac* vocant,) insulisque confertus, de quibus fabellæ apud vulgus hominum invaluerunt plurimæ. Insulam vero hic fluctuantem in quæstionem vocare non libet, cum nihil prohibet corpus levius, & pumicosum aquæ innatare, & *Plinius* scribit in lacu *Vadimonis* insulas herbidas junco & arundine tectas fluitare. Viderint autem illi qui propius hujus loci naturam norunt. An hoc *Nechami* nostri antiquum *Distichon* sit verum,

*Ditatur fluvius Albania, saxeæ ligna
Dat Lomund multa frigiditate potens.*

In margine lacus circumquaque sunt piscatorum casulæ, sed nihil plane memoria dignum præter *Kilmoronoc* elegantes Comitibus *Cassiliensis* ædes ad partem Orientalem, quæ jucundissimo in lacum fruuntur prospectu. Vbi autem *Levinus* è lacu in *Cluidam* se exonerat, interponitur *Al-cluid*, sic veteres dixerunt: Beda nescio quorum lingua *Petram Cluid* significasse notat: Certe *Ar-cluid* supra *Cluidam* Britannice significat, & *Cluid* veteri Anglorum lingua *petram* significavit. Posterius *Dunbritton*, id est, *Britannorum oppidum*, & corrupte metathesi quadam *Dunbarton* vocarunt, eod quod *Britanni* diutissime contra *Scotos*, *Pictos*, & *Saxones* tenuerint. Est enim propugnaculum sive castrum & natura & situ totius *Scotiæ* munitissimum, ad ipsos fluminum confluentes, in herbida planitie, rupi confragosæ & bicipiti affixum, in cujus altero vertice specula eminet, in altero qui humilior crebra surgunt propugnacula. Inter duos hos vertices ad latus Septentrionale ascensum habet unicum vix singulis pervium, gradibus magno labore per obliquam rupem excisis. Pro fossis sunt ad Occasum *Levinus*, ad Meridiem *Cluida*, ad Orientem cœnosa planities, quæ Oceani æstu accedente, aquis tota integitur, ad Septentriones ipso acclivi situ tutissimum. Hoc loci ingenio & sua virtute nonnullæ reliquæ *Britannorum*, qui (ut scribit *Gildas*) in montanis collibus minacibus, præruptis, vallatis, densissimis saltibus, ma-

Scotia.

rinisque rupibus perfugium compararunt, hîc se à decessu *Romanorum*, per annos trecentos inter medios hostes defenarunt. Nam *Bedæ* tempore civitas (ut ipse scribit) *Britannorum* erat munitissima. Sed anno D CC LVI. *Eadbertus* Rex *Nordan-humbrorum*, & *Oengus* Rex *Pictorum* junctis viribus circumcluserunt, & rebus desperatis in conditionem receperunt. Ab hoc Regio circumfita *Viccomitatus de Dunbarton* dicitur, & *Comites Lennoxia* *Viccomites* natos diu agnovit.

Quod ad ipsos *Lennoxia* *Comites* spectat, ut vetustiores omittam, *Duncanus* quidam *Lennoxia* Comes erat regnante *Roberto Secundo*, qui filius solummodo relictis diem obiit. Quarum alteram duxit *Alanus Stewart*, cui genitus à *Roberto*, filio natu minori *Walteri* ejus nominis secundi, *Magni Scotiæ Seneschalli*, & fratre *Alexandri Stewart* secundi, à quo stirps Regia *Scotorum*. Ex honorario enim munere *Seneschalli* regni, utique qui Regiis proventibus præfuit, & *Stewart* lingua vulgari vocatur, cognomen illustrissimæ huic familiæ inditum erat. *Alano* illi natus erat *Ioannes* Comes *Lennoxia*, & *Robertus* qui turmæ *Scotorum*, quam *Carolus sextus* Rex *Galliarum*, (ut aliquam gratiam *Scotiæ* genti præclare de regno *Galliæ* sua fortitudine meritæ reponeret,) primus conscripsit, præfuit, *Domino de Aubigny* in *Arvern* ab eodem virtutis ergo donatus. *Ioanni* filius erat *Matthæus* Comes *Lennoxia*, qui duxit filiam *Iacobi Hamiltonii* è *Marriona* filia *Iacobi* secundi Regis, è qua suscepit *Ioannem Lennoxia* Comitem, qui dum ad Regem *Iacobum Quintum* à *Douglas* & *Hamiltoniis* liberandum arma sumeret, ab avunculo *Arraniæ* Comite fuit occisus. *Ioanne* procreatus erat *Matthæus* Comes *Lennoxia*, qui varie agitatus in *Gallia* & *Scotia*, fortunam in *Anglia* mitiorem expertus gratia *Henrici Octavi*, quum neptim è sorore illi in matrimonium dedit cum latifundiis. Ex hoc felici conjugio progeniti *Henricus* & *Carolus*, *Henrico* ex *Maria Scotiæ Regina* *IACOBVS* sextus Rex *Britanniæ* propitio numinis æterni favore auspiciis natus est, felicissimus ad orbem *Britannicum* inter se, ut à reliquo orbe ante divisum, in unum imperii corpus colligandum, & ad æternam securitatem (ut speramus & comprecamur) nostris posteris & posterorum nostrorum posteris infinitis seculorum continuationibus firmissime fundandam. *Carolo* autem nata filia unica *Arbella*, quæ supra sexum ita optimarum literarum studia est amplexa, ut ad veram virtutem summa cum laude sibi profuerint, & cum prisca seculi fœminis sit conferenda. *Carolo* autem defuncto, post-

G g

quam

R. Hoveden.

Comites Lennoxia sive Levinia.

Stewart.

Scotorum turma in Gallia.

Iacobus Rex Britannia.